

ՀԱՄԱԿԱՐԳՎԱԾ ԸՆՏԱՆԻՔԻ ԱԶԱԿՑՈՒԹՅՈՒՆ (CFS)

ՏԵՂԵԿԱՏՎԱԿԱՆ ԹԵՐԹԻԿ ՀԱՃԱՆՈՐԴՆԵՐԻ և ԸՆՏԱՆԻՔՆԵՐԻ ՀԱՍԱՐ

Ի՞նչ է CFS-ը:

CFS-ը ծառայության նոր մոդել է, որը նախատեսված է զարգացման հաշմանդամություն ունեցող մեծահասակների համար, ովքեր ընտրում են ապրել իրենց ընտանիքների հետ: CFS-ը ստեղծվել է ի պատասխան ընտանիքների կողմից տրամադրված տեղեկատվության՝ մատչելի ծառայությունների բացակայության մասին չափահաս ընտանիքի անդամների համար, ովքեր ընտրում են ապրել ընտանեկան տանը:

CFS ծառայությունները կլինեն հարմարեցված, անհատականացված և ճկուն՝ բավարարելու ծառայություն ստացող անձի և նրա ընտանիքի/խնամողի փոփոխվող կարիքներն ու նախասիրությունները:

CFS-ի աջակցություններ

CFS-ը նախատեսված է օգնելու ձեզ և ձեր ընտանիքին համակարգել և պլանավորել ձեր ստացած ծառայությունները: CFS-ը կարող է աջակցել ձեզ և ձեր ընտանիքին ավելին իմանալ ձեր ախտորոշման մասին, օգնել ապագայի պլանավորմանը, ինչպես նաև օգնել ձեզ սովորել, թե ինչպես ստանալ լրացուցիչ ծառայություններ, որոնց համար դուք կարող եք իրավասու լինել: CFS-ը կարող է դասընթացներ տրամադրել այն մարդկանց, ովքեր աջակցում են ձեզ, որպեսզի նրանք ավելի լավ պատրաստ լինեն աշխատելու ձեր և ձեր ընտանիքի հետ: CFS-ը կարող է օգնել ձեզ գտնելու տրանսպորտային միջոցներ, օժանդակ ծառայություն մատուցողներ, ինչպես նաև օգնել ձեզ իմանալ ձեր հարևանությամբ գտնվող ինքնապաշտպանության խմբերի մասին: CFS-ը կտրամադրվի ձեր լեզվով և ձեր մշակույթի նկատմամբ հարգալից ձևով: Դուք կօգնեք նախագծել և հարմարեցնել ձեր CFS ծառայությունը:

Ո՞վ է իրավասու CFS-ի համար:

CFS-ը նախատեսված է չափահասների համար (18 տարեկան և ավելի բարձր տարիքի), ովքեր ապրում են իրենց ընտանիքների հետ և ծառայություններ են ստանում Շրջանային կենտրոնից:



Ինչպե՞ս կարող եմ գրանցվել CFS-ի համար:

Եթե դուք ապրում եք տանը ձեր ընտանիքի հետ և կարծում եք, որ ձեզ անհրաժեշտ է CFS, տեղեկացրեք ձեր Շրջանային կենտրոնի ծառայության համակարգողին: Նրանք կկազմակերպեն IPP թիմի հանդիպում՝ որոշելու, թե ինչպես կարող է CFS-ն օգնել ձեզ և ձեր ընտանիքին: Եթե ձեզ ուղղորդում են CFS-ի համար, CFS մատուցողը կհանդիպի ձեզ և ձեր ընտանիքի հետ՝ խոսելու այն մասին, ինչ նպատակներին եք ուզում հասնել՝ օգտագործելով CFS: CFS մատակարարը կաշխատի ձեր և ձեր ընտանիքի հետ միասին՝ ստեղծելու մի ծրագիր, որը կբացահայտի, թե որ ծառայությունների համար եք օգնության կարիք զգում և ինչպես կօգնի ձեզ CFS մատուցողը:

CFS-ի հարցումներ

Չարգացման ծառայությունների բաժինը հետաքրքրված է, թե ինչպես է CFS-ն օգնում ձեզ և ձեր ընտանիքին: Ձեզանից կպահանջվի լրացնել շատ կարճ հարցում՝ ծառայությունների մեկնարկից հետո, և հնարավոր է, մեկ կամ երկու անգամ, մինչ դուք ստանում եք ծառայությունը: Սա կօգնի Բաժնին իմանալ, արդյոք CFS-ն ձեռնտու է ձեր և ձեր ընտանիքի համար:

